

FORU ERKIDEGOAN IAZ SINATUTAKO AKORDIOA EDUKIRIK GABEKOA DELA DERITZOTE SINDIKATU ABERTZALEEK

Enpleguari buruzko hitzarmenaren lorpenak Nafarroara eraman nahi dituzte ELA-LABek

■ Euskal Autonomia Erkidegoko hitzarmena hilaren 15ean sinatu ostean elkartuko dira Nafarroako kanpaina prestatzeko

■ Nafar langileei aparteko lanorduen eta ordezkapen kontratuen inguruko hitzarmenak erakutsiko dizkiete

■ Sindikatu abertzaleak gutxiengoa dira Nafarroako Foru Erkidegoan, eta *apartheid* sindikala egiten dela salatu dute

Joseba Aiartza / Bilbo

EUSKAL Autonomia Erkidegoan lortutako enpleguari buruzko hitzarmenaren edukia Nafarroan ere bultzatuko dituzte ELAk eta LABek, bi sindikatuetak buruzagiek EGUNKARIARI egiaztatu diotenez.

Nafarroan enpleguari buruzko beste hitzarmen bat sinatu zuten iazko irailean CEN elkarte patronalak, CCOO eta UGT sindikatuek eta Iruñeko Gobernuak. Administrazioak 47.000 milioi pezeta zuzendu ditu hiru urterako, hitzarmenaren jasotako neurriak aurrera eramateko.

Hitzarmen hori gaitzetsi egin zuten sindikatu abertzaleek ordea, enplegua sortzeko neurri eraginkorrik ez zuela jaso esanez, hain zuzen ere aparteko lanorduak kendu, lanorduak murriztu edo ordezkapen kontratuak egiteko neurri zehatzik jaso ez zuelako.

«Prestakuntzarako eta kontrataziorako dirua besterik ez du jaso hitzarmenak», azaldu du Jose Maria Otaegi Nafarroako ELAko arduradunak. Otaegik zehaztu duenez, diru hori enpresarientzat izango da, kontratazioak egiteagatik, baita sindikatu sinatzailentzat ere, haiek prestakuntza kudeatzen duten aldetik.



OSKAR MONTERO

ELA eta LABek enpleguaren alde Iruñean egindako manifestazio bat.

EAEko hitzarmena, berriz, «ez da panazea izango, baina baditu askoz ere alderdi hobeak. Alderdi on horiek erakutsi nahi dizkiegu langileei eta politikoei, eta haiei esan nahi diegu dirua ez dela tresna bakarra, eta dirua ondo erabili behar dela enplegua sortu ahal izateko», gehitu du sindikalista nafarrak.

Horrela, ELA eta LAB sindikatuek informazio kanpaina bat zabalduko dute nafar langileen artean, EAEn eta Nafarroan enpleguari buruz egindako bi hitzarmenen arteko

ezberdintasunak erakusteko. Iruñeko Parlamentuko alderdiei ere erakutsi nahi dizkiete bi hitzarmenen arteko aldeak.

Rafa Diez LABeko koordinatzaileak egiaztatu duenez, sindikatu abertzaleen egitekoa «Nafarroan sinatutako akordioa kolokan jartzea izango da, batere edukirik gabekoa delako, eta erakustea EAEn egindakoa Nafarroan ere askoz egokiagoa izango litzatekeela».

Negoiazio prozesuetatik kanpo

Sindikatu abertzaleek ez dute oraindik inolako urratsik egin kanpaina hori aurrera ateratzeko, eta ez dute egingo hilaren 15ean EAEko hitzarmena sinatu arte. Sinatzeko ekitaldiaren ostean elkartuko dira bi sindikatuak Nafarroako kanpaina prestatzeko.

LABek eta ELAk ez dute erraz izango euren helburua lortzea, alde batetik gutxiengoa daudelako Nafarroako

JOSE MARIA
OTAEGI

■ ■ ■ «Prestakuntzarako eta kontrataziorako diru laguntzak besterik ez du jaso Foru Erkidegoko enplegu hitzarmenak»

RAFA
DIEZ

■ ■ ■ «Sindikatu abertzaleak 'apartheid' sindikala nozitzen ari dira Nafarroan, beste sindikatuek eta patronalak hala behartuta»

47.800 milioiz hornitutako plana

J.A. / Bilbo

NAFARROAKO enplegu plana 1998ko irailaren 18an sinatu zuten CEN patronalak (Nafarroako enpresarien elkarte), UGT eta CCOO sindikatuek eta Iruñeko Gobernuak. Egun batzuk geroago ontzat jo zuen Nafarroako Parlamentuak. Egitasmoak hiru urteko iraupena dauka, eta Iruñeak 47.778 milioi pezetaz hornitu zuen.

Planaren helburu nagusi gisa langabezia tasa %5era jaitea azpimarratu zuten erakunde sinatzaileen ordezkariak (sinatzeko orduan, langabezia %8,9koa zen Nafarroan), baita lanaren egonagaitasunari aurre egitea ere. Egitasmoak langileen prestakuntza, kontratazio egonkorren sustapena, langabetuak enplegatzeke neurriak eta lan osasunari buruzkoak jaso zituen.

Plana aurkezteko ekitaldian, Jesus Garatea CCOOko ordezkariak ohartarazi zuen egitasmotik kanpo geratu zirela kontu garrantzitsu batzuk, hain zuzen ere lanaldia murrizteko eta aparteko lanorduak desagertzeko helburuak. Berandu baino lehen, lanorduen gaiari heldeu beharra zegoela adierazi zuen Garateak.

CCOOn eta UGTren aldean, eta bestetik Nafarroako negoziazio prozesuetatik kanpo daudelako.

Diezen hitzetan, sindikatu abertzaleak «apartheid sindikala» nozitzen ari dira une hauetan Foru Erkidegoan, beste sindikatuek eta bertako patronalak hala behartuta.

Hala ere, sindikatu aber-

tzaleak prest agertu dira CEN patronalarekin eta CCOO eta UGTekin hitz egiteko, euren proposamenak agertu eta, ahal dela, erakunde horiek sinatutako hitzarmena hobetzeko.